



Br: 3/2 - 900/26 - 2247

9. jul 2026.

PRIJEDLOG

PLATFORMA

za prisustvo delegacije Vlade Crne Gore, koju predvodi potpredsjednik Vlade za međunarodne odnose i ministar vanjskih poslova mr **Ervin Ibrahimović**, na obilježavanju 31. godišnjice genocida u Srebrenici, Potočari, Bosna i Hercegovina, 11. jul 2026.

Delegacija Vlade Crne Gore, predvođena potpredsjednikom Vlade za međunarodne odnose i ministrom vanjskih poslova mr **Ervinom Ibrahimovićem**, će 11. jula 2026. prisustvovati obilježavanju 31. godišnjice genocida u Srebrenici, koja će se održati u Potočarima, Bosna i Hercegovina.

Predsjednik Organizacionog odbora za obilježavanje 31. godišnjice genocida nad Bošnjacima **Hamdija Fežić** je uputio poziv najvišim zvaničnicima Crne Gore da 11. jula 2026. prisustvuju komemoraciji i dženazi u Potočarima.

Generalna skupština Ujedinjenih nacija je na sjednici 23. maja 2024. usvojila Rezoluciju kojom se 11. jul proglašava Međunarodnim danom komemoracije i sjećanja na genocid u Srebrenici. Crna Gora je na pomenutoj plenarnoj sjednici GS UN glasala za usvajanje Rezolucije, čime je još jednom potvrđen nedvosmislen stav naše države kojim se osuđuje negiranje genocida u Srebrenici i veličanje ratnih zločina počinjenih na teritoriji bivše Jugoslavije.

Skupština Crne Gore je još u julu 2009. usvojila Deklaraciju o prihvatanju Rezolucije Evropskog parlamenta (EP) o Srebrenici, kao jedna od prvih država koja je to učinila, nakon što je pomenutu Rezoluciju usvojio Evropski parlament, dok je 17. juna 2021. Skupština usvojila Rezoluciju o genocidu u Srebrenici u kojoj se „potvrđuje da se genocid dogodio na tlu Evrope nakon Drugog svjetskog rata u kojem je stradalo preko 8.000 civila bošnjačke nacionalnosti.“ Rezolucijom se, takođe, osuđuju „pokušaji pripisivanja odgovornosti ili krivice srpskom, bošnjačkom, hrvatskom ili bilo kojem drugom narodu za genocid, zločine protiv čovječnosti ili druge zločine, jer odgovornost može biti isključivo individualna, a nijedan narod ne može biti označen kao genocidan ili zločinački“.

Prisustvo delegacije Vlade komemoraciji je prilika da se u ime države Crne Gore oda pijetet žrtvama genocida na tlu Evrope nakon Drugog svjetskog rata i pozove na mir i dijalog. Crna Gora je u više navrata potvrdila svoj principijelan odnos prema događajima u Srebrenici iz jula 1995. na nacionalnom nivou i u okvirima svih multilateralnih foruma.

Suočavanje sa prošlošću je od suštinske važnosti za pomirenje, dalji napredak regiona Zapadnog Balkana i njegovo stremljenje ka prosperitetnijem društvu razvijenih demokratija.

Sjećanjem na žrtve, očuvanjem utvrđenih pravnih i istorijskih činjenica, garantovanjem odgovornosti, pravde i istine, kao i snaženjem svijesti o zločinu genocida, kroz obrazovanje sadašnjih i budućih generacija, doprinosi se tome da se genocid nikada više ne ponovi bilo gdje u svijetu.

Prisustvom komemoraciji se još jednom potvrđuje privrženost tekovinama antifašizma, na čijim temeljima je izgrađena moderna crnogorska državnost, i učvršćuje uloga Crne Gore u odbrani ljudskih prava i drugih univerzalnih civilizacijskih vrijednosti koje baštine moderna demokratska društva.

Značaj prisustva

Delegacija Vlade Crne Gore, koju predvodi potpredsjednik Vlade za međunarodne odnose i ministar vanjskih poslova mr **Ervin Ibrahimović**, će prisustvom na obilježavanju 31. godišnjice genocida u Srebrenici odati počast žrtvama i ukazati na nedvosmislen stav Vlade Crne Gore kojim se osuđuje genocid u Srebrenici i svi drugi ratni zločini počinjeni na teritoriji bivše Jugoslavije. Time će se još jednom potvrditi privrženost Crne Gore civilizacijskim i demokratskim vrijednostima na koje, u kontekstu sve češće revizionističke retorike i pokušajima negiranja genocida, neophodno konstantno ukazivati i braniti, kako se genocid nikada više ne bi ponovio bilo gdje u svijetu.

Sastav delegacije

Delegaciju Vlade Crne Gore će na obilježavanju 31. godišnjice u Srebrenici predvoditi potpredsjednik Vlade za međunarodne odnose i ministar vanjskih poslova mr **Ervin Ibrahimović**. Članovi delegacije će biti:

- mr **Marash Dukaj**, ministar javne uprave;
- **Naida Nišić**, ministarka rada, zapošljavanja i socijalnog dijaloga;
- **Damir Gutić**, ministar socijalnog staranja, brige o porodici i demografije;
- **Ernad Suljević**, ministar regionalno-investicionog razvoja i saradnje sa nevladinim organizacijama;
- **Satka Hajdarpašić**, otpravnica poslova a.i. u Ambasadi Crne Gore u Bosni i Hercegovini;
- **Naim Gjokaj**, državni sekretar u Ministarstvu javne uprave;
- **Mirsada Bošnjak**, državna sekretarka u Ministarstvu regionalno-investicionog razvoja i saradnje sa nevladinim organizacijama;
- **Perko Mijatović**, šef Biroa za odnose sa javnošću u Ministarstvu vanjskih poslova;
- **Ali Čikić**, samostalni savjetnik III u Ministarstvu rada, zapošljavanja i socijalnog dijaloga.

Troškove boravka za potpredsjednika Vlade i ministra vanjskih poslova mr Ervina Ibrahimovića, kao i za ostale članove delegacije iz Ministarstva vanjskih poslova snosi Ministarstvo vanjskih poslova.

Troškove boravka za svoje članove delegacije snosiće Ministarstvo javne uprave, Ministarstvo rada, zapošljavanja i socijalnog dijaloga, Ministarstvo socijalnog staranja, brige o porodici i demografiji i Ministarstvo regionalno-investicionog razvoja i saradnje sa nevladinim organizacijama.